

東平州鄉土志

卷上

140, 141

1539

部 = 1~2

歷史

本境建置年代

東平之名起於漢宣帝甘露間歷後漢魏晉均稱東平國
東晉改國為郡後魏置兩東平郡齊周乞五代唐屢有
沿革宋咸平三年河決城圯遷須城於今治升郡為東
平府元置東平路明降東平州
未置本境之時代

唐虞夏商

東原 屬徐州禹貢東原底平東平得名以此鄭康成曰

東平州鄉土志

一

東原地名今東平國即東原張華博物志云兗州東平
郡即尚書之東原

周

須句 屬魯風姓國子爵伏羲氏之苗裔國最古公羊作
須胸杜注魯私屬案須句城在安民山東濟水上後遷
於安民山北為須昌

鄆 屬齊姜姓見歷代紀事年表公穀云紀之遺邑杜注
紀附庸皆誤彼乃今日照之鄆非東平境內鄆也

宿 屬宋男爵與任顓臾須句同司太皞之祀案宿國故



城在危山前西距東平州城二十里

春秋

須句 屬魯僖二十一年邾滅須句二十二年公伐邾救須句文七年公伐邾取須句杜注僖公反其君之後邾復滅之書取易也

鄆 屬齊莊三十年齊人降鄆

宿 屬宋莊十年宋人遷宿杜注宋人遷之而取其地

戰國

無鹽 屬齊即鄆宿地杜注東平無鹽縣東北有鄆城漢

志東平有章縣後志無鹽縣有章城又無鹽縣本宿國案宿入齊改無鹽邑邑城在龍山前北距宿十八里西距今治所三十五里

秦

須昌 屬東郡道光志改隸碭郡蓋本紀要紀要本通典東平秦碭郡以東平梁分梁又碭分也元和郡縣圖謂隸辟郡又出兩說之外矣案秦置須昌縣歷兩漢魏晉均為須昌縣縣城南距須句三十里在金山東南土山東準子頭西淪沒陂澤中舊址無存準子頭東嶽廟其

東關也西南陂中有石刻南門二大字為南門遺址今
淤後改須城又呼鄆州城攷水經注濟水又北逕須句
城西又北逕微鄉縣東又北過須昌縣西注須句一國
二城兩名蓋遷都須昌胸是其本秦以為縣屬東郡
滑今縣

漢

須昌 屬兗州東郡郡故梁國景帝中六年改為濟東國
武帝元鼎元年為大河郡宣帝甘露二年為東平國治
無鹽領縣七無鹽任城東平陸富城章元父樊謹案須

東平州鄉土志

三

昌即今州治漢世屬東郡不屬東平國後漢永平二年
始屬東平國見後漢書光武十五王傳

無鹽 今名亡鹽城址尚存水經注汶水自桃鄉四分謂
之四汶口其又一汶西逕無鹽縣故城南即此城也本
古宿國地

富城

章 即鄆城西南距州城七十里

既置本境之時代

後漢

須昌 屬兗州東平國時東平領縣七無鹽東平陸富城
章壽張須昌甯陽

無鹽

富城

章

壽張

水經注濟水過壽張縣西界安民亭南汶水從東北來注之案壽張即前漢壽良避光武叔父諱改

三國魏

須昌

屬兗州東平國見洪亮吉三國疆域志

無鹽

東平州鄉土志

四

壽張

晉

須昌

屬兗州東平國時東平國領縣七須昌壽張范無

鹽富城東平陸剛平案東平太守始見於史蓋自

此改國為郡

壽張

今霍家莊即古壽聚地在須昌城南三十里州治

西南十五里

無鹽

劉宋

無鹽 屬兗州東平郡郡領縣五無鹽平陸須昌壽昌范

須昌

壽昌

元魏

無鹽 屬兗州東平郡郡領縣七無鹽范須昌壽張平陸

富城剛謹案魏收志有兗州東平郡有濟州東平郡太

常中置東平郡太和末罷建義中復置者此濟州之東

平郡也今之東平當屬兗州之東平郡

須昌

東平州鄉土志

五

壽張

富城

隋

須昌 屬兗州東平郡開皇十年置鄆州後改統縣六鄆

城鄆城須昌須城雷澤鉅野劉宋時寄治郡城開皇初

還治故城屬鄆州東平郡

宿城 開皇十六年就無鹽縣置屬兗州東平郡

唐

須昌 屬鄆州東平郡郡領縣九須昌壽張鄆城鉅野

盧平陰東阿陽穀中都謹案新唐書藩鎮列傳賜號天
平軍在憲宗元和十四年又須昌緊貞觀八年省宿城
縣入焉

宿城 貞元四年改曰東平與須昌同附郡郭太和四年
又改曰天平六年省入須昌

壽張 緊

五代

須昌 屬天平軍鄆州五代史職方考參梁太祖本紀朱
宣列傳又梁唐晉漢周俱有

東平州鄉土志

六

須城 五代唐諱昌改須昌為須城

宋

須城 屬京東路鄆州東平府初為鄆州後改東平郡大
觀九年升大都督府宣和九年改領縣六須城陽穀壽
張中都東阿平陰咸平三年河決王陵埽城圯於水遷
須城於東南十五里汶陽鄉之高原今東平州治

壽張

金

須城 屬山東西路東平府金史劉豫傳天會六年劉豫

偽稱東京

元

須城 屬山東東西道東平路至元五年以東平為散府
九年改下路總管府領縣六須城東阿陽穀汶上壽張
平陰

壽張

明

東平州 屬山東布政使司兗州府府領四州二十三縣
案東平自須城省入初為府洪武八年降為州隸濟甯

東平州鄉土志

七

府十八年改屬

國朝

東平州 屬山東布政使司泰安府府領州一縣六洪亮吉
乾隆府廳縣志東平初屬兗州府雍正八年升為直隸州
領東阿平陰陽穀壽張四縣十三年撤直隸州屬泰安府

政績錄

政績不外興利去害聽訟顧有於三者一著者有於三者
參著者有於三者全著者依年序錄

興利

去害

聽訟

漢

王尊字子贛涿郡高陽人元帝時為東平相東平王以至親驕奢不奉法傅相連坐及尊視事王雅聞尊名高大為尊屈今祀名宦

師丹字仲公琅琊東武人建始中為東平王太傅廉正守道徵入為光祿大夫

應順字仲華汝南南頓人舉孝廉歷冀州刺史遷東平相

東平州鄉土志

八

時竇憲專政大僚皆賂遺憲順獨否

晉

鄭默字思元開封人武帝時為東平太守值歲饑輒開倉出給乃舍都亭自表待罪詔書褒美比之汲黯

阮籍字嗣宗陳留尉氏人拜東平相法令清簡

劉宋

申公休魏郡人元嘉時督魯東平濟北三郡軍事威惠兼著

北齊

李翦為東平太守以文章飾吏事

唐

蘇源明京兆人天寶中為東平太守博學工文政聲大著
今祀名宦

馬總字惠元扶風人元和四年析鄆曹濮為一道除總節
度使賜號天平軍長慶初召總還以鄆人樂附復召還鎮
總以簡靜為治卒諡曰懿今祀名宦

王原忠憲宗時為天平軍節度使立身恭謹為治簡約
令狐楚字士愨宜州華原人敬宗時為天平軍節度使歲

早人相食楚均富贍貧民無流亡今祀名宦

杜勝京兆萬年人宣宗時為戶部侍郎以中人沮毀出為
天平軍節度使甚有治績

柳仲郢字諭蒙京兆萬年人咸通五年為天平軍節度使
崇尚義氣不奏祥瑞歲凶貸匱蠲負里無逋家

後唐

顏衍字祖德曲阜人復聖顏子四十五代孫為天平軍節
度副使知鄆州契丹攻鄆州賴衍謀保全

後晉

盧億懷州河內人天福中治鄆州寬惠得人

宋

索湘字巨川滄州鹽山人為鄆州司理參軍濟州有大獄連逮千五百人湘受詔案鞠事隨白

袁廓劍州梓潼人知鄆州會河決入城浸居人廬舍至冬結為冰廓發民鑿取以竹輿舁出城上聞拜監察御史吳元辰字君華雍熙三年表求劇郡知鄆州王超與遼人戰敗元辰先度及之急發民護河橋遼人遂去

寇準字平仲華州下邳人祀名宦

沈繼宗開封太康人太宗命繼宗東計度財賦時鄆州節度賦屬縣內藥物大為民害繼宗因言於上以除其弊陳知微字希賢高郵人咸平末為京東轉運副使奏還東平官豪所侵民田六百八十家給主又決古廣濟河通運路罷夾黃河歲減夫役數萬祀名宦
王曾字孝先益都人在鄆獎士類立學田庶政修舉祀名宦

崔立字本之知鄆州多恩惠及人

李昭述饒陽人真宗時為鄆州判官牧馬地侵於民者數

千頃悉復之

石介字守道兗州奉符人仁宗時歷鄆州推官樂善嫉惡遇事敢為

劉敞字原父臨江新喻人仁宗時知鄆州決獄訟明賞罰境內肅然今祀名宦

張錫字貺之漢陽人仁宗時為京東轉運使時鄆濮兩州人冒耕河壩地畝爭訟錫命籍其地收租絹歲二十餘萬訟遂息

吳奎字長文宋史有傳今祀名宦

富弼字彥國河南人知鄆州賑饑恤患多所全活祀名宦韓琦字稚圭相州安陽人知鄆州時京東多盜捕法以百日為限限中不獲抵罪琦請獲他盜者聽比折除過於是盜多獲而地方安又開水利便民祀名宦

司馬光字君實判鄆州歲餘盡心郡事祀名宦

宋庠字公序安州安陵人知鄆州以慎靜為治不務變更祀名宦

龐籍城武人知鄆州治以愛民為主明習法令長於吏事僚屬言有可取雖文書已行立為改易祀名宦

王堯臣字子難知鄆州值河決曹村去郡尚遠堯臣急築堤城下復起甬道未幾水大至郡賴以免

杜紘濮州人神宗時知鄆州繫囚三百紘至旬日處決立盡祀名宦

許將字冲元閩人知鄆州囹圄皆空父老歎曰王沂公後五十六年始再見獄空耳

喬執中字希聖高郵人神宗時為須城主簿時河役大興部使者不得人一夕譟而潰因致大獄執中往代終事帖然紹聖初以寶文閣待制知鄆州屢典刑獄活以百數

金

路鐸字宣叔冀州人為東平府治中常述十二訓以教民雷淵字希顏應州渾源人為東平錄事河朔重兵所在驕將悍卒倚外敵為重自行臺以下皆摩撫之淵不為屈閭巷多畫像祀之

元

嚴實字武叔長清人授東平路行軍萬戶加至尚書左丞木華黎之弟帶孫所至屠戮實皆力救得免兵出河南實慮屠戮必多載金繒往贖之且約諸將毋敢妄殺免者數

十萬人會大饑民北徙者多餓死實命作粥盛置道上全活甚衆實部曲有逃回益都者益都破皆獲之以為必殺實置不問卒年五十九遠近悲悼野哭巷祭諡武惠嚴忠濟字金芝實之第二子也襲東平行軍萬戶管民長官開府布政一法其父

宋子貞字周臣潞州長子人嚴實素聞其名招置幕府汴梁既下饑民北徙餓殍盈道子貞賑濟饑民拔擢名儒政績大著

王磐字文炳永年人嚴實興學養士迎磐為師受業者常

數百人

蘇炳字顯卿長安人由中書省左司郎中擢牧東平賑貧救荒興利釐害贍儒學田五十餘頃躬率生徒謁廟講習

明

曹體仁漢陽人洪武中知東平事廉慎公平教撫有方嘗有詩云三年短髮憂民白一寸忠心為國丹去後士民思之祀名宦黃哲字庸之番禺人為東平府通判黃河決中書省發民疏濬哲董其役經畫有方民不告瘁

鄭華字孝思臨海人建文初謫東平吏日燕兵至長貳皆

棄城去華死之

李湘字永懷泰和人知東平州城東有戴村壩雨潦輒為民患奏發民夫隄之州所轄五邑地多荒蕪督民墾闢公私皆實有奸人誣湘苛斂繫湘入都縣民千三百人走訴巡按又有耆老前後百餘人隨湘入都伏闕下發奸人誣陷狀通政司以聞下刑曹閱實復湘官抵奸人於法

王範直隸開州人成化中為刑部員外郎以抗用事中官謫知東平雅有惠政

楊汴直隸六安人成化間任創立漏澤園於南郭平易近

民

陳經字貫之湖廣臨武人宏治間拜監察御史以論劾中官謫守東平雅重學校士多成材

張愷無錫人宏治中以刑部郎中左遷政尚寬惠雅重文學

楊寬涿州人正德初知東平值巨賊嘯聚屠掠寬決蘆泉水注隍令滿斷橋塞門與民守之殘城得不陷

宋紀洛陽人任東平州判分理漕運清慎愛民民為立祠陳宗謨長樂人為東平學正勤心誨誘有人倫鑑嘗植竹

於先師廟側州人思其人因目為陳先生竹
李昇字翔漢河南鈞州人守東平見濠隍墜圮傍多隙地
遂濬隍令深徧植以稻引蘆泉水溉之繞城二十餘里蓮
蒲魚稻遍滿其中所入足供四時報享及賓旅館穀民力
為之一寬務禁暴旌良每揭郡中善惡人姓名於旌善亭
以為勸懲

劉魁江西人嘉靖中任東平同知政尚嚴明一塵不染
胡松字汝茂滁州人嘉靖間知東平州數決疑獄能發奸
剖隱遇歲荒亟請興發全活甚衆捕盜有方畧

蔡錦江西瑞州人署東平學正為訓言鑄於座右大旨以
正心修身重氣節為本待諸生甚嚴而於有志操力學者
稱不容口

梁珍字文重長汀人守東平簡刑薄斂後為當道所論即
浩然南歸贐其行皆卻而不受

貢安國甯國人歲貢生由國子助教知東平崇尚正學留
心教化祀名宦

陳文信福建長樂人判東平學問頗優政體亦練